

**N**OS JOSEPHUS SECUNDUS  
Dei Gratia Electus Romanorum  
Imperator, semper Augustus; Germa-  
niæ, Hungariæ, Bohemiæ, Dalmatiæ,  
Croatia, Sclavoniæ &c. Rex Apostoli-  
cus; Archidux Austriæ; Dux Burgun-  
diæ, et Lotharingiæ; Magnus Dux  
Hetruriæ; Magnus Princeps Transyl-  
vaniæ; Dux Mediolani, Mantuæ, Par-  
mæ &c. Comes Habsburgi, Flandriæ,  
Tyrolis &c. &c.

**U**niversis, ac singulis Tribunalibus & Ju-  
diciis tam Primæ, quam & superiorum In-  
stantiarum in M. Transylvaniæ Principatu,  
Partibusque eidem adnexis constitutis præ-  
sentibus, ac futuris; non secus universis  
Subditis Nostreis, proprio, vel alieno No-  
mine litigantibus, eorumque Advocatis,

& Procuratoribus Gratiam nostram Cæsareo-Regiam impertientes hisce notum facimus. Quod Nos animo clementer revolventes partem non postremam felicitatis Populorum Nobis divinitus concreditorum in eo positam esse, si iisdem de prompta, celerique Justitiæ administratione, sublatis iis, qui sive nimia Legum formam processualem tangentium indulgentia, sive facto Partium, & Advocatorum salutare licet Legum dispositiones in diversum a scopo illo, quo conditæ sunt, sensum trahentium, ac ipsorum etiam Judicum iisdem sæpenumero cum manifesta Justitiæ remora conniventium irreperunt, abusibus, effectumque Justitiæ retardantibus, ac non raro penitus eludentibus impedimentis prospiceretur,

Mu-

Muneris Nostri Regii esse existimaverimus, eo usque etiam, dum hanc in rem cum Statibus & Ordinibus diætaliter congregandis uberius in medium consuli possit, universalem judicarium Ordinem, seu modum procedendi, in quibusvis judiciariis Processibus exacte, & inviolabiliter observandum elaborari facere, qui etiam ita, prout hic subnexum Opus exhibet, elaboratus, & per Nos clementer approbatus est. Quapropter Vobis hisce clementer una, ac districtim præcipimus, ut eundem Ordinem judicarium a 1<sup>ma</sup> Mensis Maji, anni venturi 1786. in quibusvis Foris judiciariis, Causarumque processibus omni cum exactitudine observare, ac respective per eos, quorum interest, observari facere noveritis.

Datum in Archiducali Civitate Nostra  
Vienna Austriæ, Die vigesima tertia Men-  
sis Novembris, Anno Domini Millesimo,  
Septingentesimo, Octuagesimo quinto.  
Regnorum Nostrorum Romani quidem  
anno vigesimo primo, reliquorum vero  
hæreditariorum quinto.

Josephus m. p.



Comes Carolus Pálffy m. p.

Josephus Nagy m. p.